



Inatsisartunut ilaasortaq, Karl Lyberth
/Maani

§ 36 naapertorlugu apeqqutigineqartunut akissutit, nr. 2010-226

29. oktober 2010
Sagsnr. 2010-040267
Dok. Nr. 493109

Inatsisartut suleriaasianni § 36 imm. 1 malillugu Inatsisartunut ilaasortaq Karl Lyberth (Siumut) kilisaataatillit Danmarkimi tuniniaasoqarfii pillugit Naalakkersuisunut matuma kinguliini allassimasunik apeqquteqarpoq. Apeqqut apeqqutigineqarpoq 18. oktober 2010

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.nanoq.gl

Naalakkersuisunut apeqqut:

Kilisaataatillit nunatsinni angerlarsimaffillit, soorlu Royal Greenland aamma Polar Seafood, tuniniaasoqarfii Danmarkimi inissisimasut katillugit qassinik sulisoqarpat?

Kilisaataatillit nunatsinni angerlarsimaffillit (soorlu RG aamma Polar Seafood) tuniniaasoqarfiisa pinngitsoornatik nunatsinni inissisimanissaannik Naalakkersuisut piumasaqaateqalikkersaarpat?

Kilisaataatillit tuniniaasoqarfiisa pinngitsoornatik nunatsinni angerlarsimaffeqar-nissaannik piumasaqaateqartoqassappat kingusinnerpaamik qaqugu pisinnaanis-saa ilimagineqarsinnaava?

(Inatsisartunut ilaasortaq Karl Lyberth, SIUMUT)

Tunngavilersuut:

Kilisaataatillit nunatsinni angerlarsimaffeqartut tuniniaasoqarfii Danmark-imi inissisimasut sulisui tusakkat malillugit ikigisassaangimmata aamma annertoo-rujussuarnik akissarsiaqarlutillu akileraartassammata paaserusunnarpoq tuniniaa-soqarfiit pineqartut nunatsinnut nuunneqarsinnaannginersut.

Tuniniaasoqarfiit pineqartut nunatsinnut nuunneqarpata aningaasat nunatsinniit annissorneqartut ikilinnissaat piinnarnagu, aammali akileraarutitigut pisortat iser-titaqarnerulernissaat pillugu, isumaqarpunga pissusissamisoortoq tuniniaasoqar-fiit nunatsinnut nuunneqarnissaannik piumasaqarneq. Taamaammat paaserusun-narpoq tassunga tungaatigut Naalakkersuisut piumasaqalikkersaarnersut.

Akissut:

Aallaqqaasiullugu oqaatigineqassaaq Naalakkersuisut apeqqutit tusatsiakkanik taamaassorinnernillu tunngavillit akissallugit ajornakusoortittarmassuk, tamak-umi soorunalimi kukkusuusarsinnaammata. Taakku oqaatigeriarlugit Naalak-kersuisut Inatsisartut suleriaasianni § 36, imm. 1 naapertorlugu apeqqutigineqar-tut akiniarsarissavaat.

Naalackersuisut Polar Seafoodip iliuuserisartagai ilisimasaqarfiginngilaat, tasami ingerlatseqatigiiffik Namminersorlutik Oqartussanit pigineqaraniluunniit arlaatigut taakkununga atassuteqanngimmat, kisiannili namminersortutut piginaatitaalluni ingerlatsisuulluni. Taamaammat Polar Seafood pillugu annertunerusunik paasisaqarusukkaanni Erhvervs- og Selskabsstyrelsen innersuunneqassaaq uani www.cvr.dk.

Royal Greenland A/S-imut Namminersorlutik Oqartussanit tamakkiisumik pigineqartumut tunngatillugu Naalackersuisut makku oqaatigisinnaavaat:

Royal Greenland A/S-ip tuniniaanermut suliassaqarfiinik aqqissuussisimaneq tunitsivissarsiornermi unammilleqatigiinnermilu atugassarititaasunik tuniniaavinni ataasiakkaani atuuttunik tunngaveqarpoq.

Seafood suliffeqarfissuaq ataatsimut isigissagaanni tuniniaavinni pingaarutilinni, isertitarisartakkanut aalajangiisuullutik pingaarutilinni, nunami sumiiffigisaani tuniniaasartut sulisorineqartarput. Tamatumunnga tunngavilersuutigalugit:

- Tunitsivinnut qanittumiinneq (pisisartunik ajornanngitsumik, pilertortumik toqqaannartumillu ulluinnarni attaveqartarneq).
- Nunami kulturimut tunngatillugu immikkuullarissutit taamatuttaaq oqaatigut pissutsit eqqarsaatigalugit, taamatuttaaq tuniniaavimmi pineqartumi sulisunik ilisimasalinnik pissarsiorarneq.
- Tuniniaavigineqartuni tuniniaanermut allaffeqarnikkut qulakkeerneqarpoq aningaasartuutit inuiaqatigiinni qaffasissutsinut malinnaanissaat.
- Inunnik ilisimasalinnik nunani tamalaani misilittagalinnik kajungerilersit-siniarluni.

Royal Greenland A/S tuniniaavinni pingaarutilinni taamatut ilusiliisimavoq pisi-sartorpasuaranut tunisassiat pisariillisakkat qaffasissumik sullissisoqarnissaanik pisariaqartitsisut tuniniaanermut ilaatillugit. Tuniniaavinnik allanik suliaqarnisamat Royal Greenland A/S International – Danmarkimi tuniniaasorisaq miki-sunguaq ingerlatiinnarneqarpoq, nunarsuarmi nunani tamalaani attaveqarfippas-sualik, immikkut ilisimasalinnik nunani tamalaani misilittagalinnik oqaatsinillu ilisimasalinnik pisariaqartitsiviusoq. Oqaatigineqassaaq Japanimut tuniniaavimmiimmatattaq inuit Japanimi tuniniaavinnut immikkut tunisassianik Kinami tunisassiornermik nakkutilliisut.

Ataatsimut isigalugu taamatut ilusiliisimaneq aningaasartuutinik atorluanaaner-paatut isigineqarpoq RG-llu nunani tamalaani imarmiunik tuniniaavinnut taak-kunatulli atugassaqtitaalluni unammillertuunissaanik qulakkeerisuulluni.

Royal Greenland A/S-ip aqqissuussaananerani akileraarutinut tunngatillugu sun-niutaasartunut pingaarnertut oqaatigineqarsinnaavoq nunani tamalaani ingerlat-seqatigiiffinni sulisut nunami malittarisassat malillugit inuttut akileraarutinik aki-liisarmata.

Taamaammat tuniniaanermik ingerlatseqatigiiffiit tunngaviatigut aningaasartuu-timinnut matusissutissatut atugassaminnik isertitanik pissarsisarput, tamatuma

kinguneralugu akileraarutitut tunngatillugu matussusiisoqartarnera. Tamannali Japanimut atuutinngilaq, namminneq tunisassioriaaseqaramik taamaallaat niuerfinnut qanittumi nioqqutissiorsinnaaffiusumi.

Inussiarnersumik inuulluaqqusillunga


Kuupik Kleist